

ՅԱՄԱՍԻՏԱՅԻ ՄԱՀԱՊԱՏԻԺԸ

ՆՅՈՒ—ՑՈՐՔ, 23 փետրվարի (ՏԱՍՍ). —
Աստղիկյանի պրեսա գործակալությունը հա-
զորդում է, որ Ֆիլիպպիններում ճապոնական
Ֆախիկին հրամանատար գեներալ-լեյտենանտ
Շամալ շտան, Ֆիլիպպիններում ճապոնական

Էպղունի ոստիկանության նախկին պեռ փոհ-
գնդապետ Օտան, ինչպես նաև ճապոնական
թարգմանիչ Խիզասիգին կախաղան են բարձ-
րացվել, որպես պատերազմի հանցագործներ:

ՀԱՅԱՍՏԱՆԸ ԵՎ ԹՅՈՒՐԲԻԱՆ

ՀԱՅԿԱԿԱՆ ՍՍՐԻ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԹՂԹԱԿԻՑ-ԱՆԴԱՄ.
ՊՐՈՖ. Ա. Կ. ԶԻԿԵԼԵԳՈՎԻ ԴԱՍԱԽՈՍՈՒԹՅՈՒՆԸ

Փետրվարի 20-ին ՍՍՌՄ ժողովոմ-
սովետին կից Բարձրագույն դպրոցի
գործերի կոմիտեի Համամիութենա-
կան դասախոսական բյուրոյի լսա-
րանում տեղի ունեցավ Հայկական
ՍՍՌ Գիտությունների Ակադեմիայի
թղթակից-անդամ պրոֆ. Ա. Կ. Զի-
ւէլեղովի հրապարակային դասախո-
սությունը «Հայաստանը և Թյուր-
քիան» թեմայով:

Պրոֆ. Զիվելեգգվը ունկնդիրներին ծանոթացնում է հայ ժողովրդի, աշխարհի հնագույն կուլտուրական ժողովուրդներից մեկի պատմական ճակատագրի հետ:— Հայերը,—ասում է նա,— իրենց պատմությունն սկսել են ասորեստանցիների հետ միաժամանակ և իրենց պատմական ուղում շփվել են միդիացիների, հին պարսիկների և Առաջավոր Ասիայի մյուս ժողովուրդների հետ, և այն ժամանակ, երբ այդ բոլոր ժողովուրդները անհետացել են, հայ ժողովուրդն ապրում է: Հայկական պետությունը, շինարարության դժվարին, բայց բեղմնավոր ժամանակաշրջանից հետո, սովետական դրոշի ներքո թևակոխում է իր նորագույն պատմության երկրորդ 25-ամյակը: Կազմելով սովետական հզոր պետության մի մասը, Հայաստանը իր բաժինն է մտցնում Սովետական Միության արդյունաբերության, գյուղատնտեսության, կուլտուրայի ու գիտության մեջ: Սովետական իշխանության 25 տարիների ընթացքում, Հայաստանը աղքատ ու հետամնաց ծայրամասից վերածվել է ծաղկուն հողագործության, զարգացած արդյունաբերության և բազմաթիվ նորակառույցների երկրի: Հայաստանը դարձել է բարձր կուլտուրայի երկիր. ստեղծված է Հայկական ՍՍՌ Գիտությունների Ակադեմիա, բացված են տասնյակ բարձրագույն ուսումնական հաստատություններ, երկիրը ծածկված է դպրոցների ու թատրոնների խիտ ցանցով:

Պրոֆ. Ջիվեղեգովը այնուհետև
մանրամասն կանգ է առնում Հայաս-
տանից խլված տերիտորիաների՝ Վա-
նի, Բիթլիսի և Էրզրումի մարզերի
պատմության վրա։ Ողբերգական է
եղել այդ տերիտորիաներում բնակ-
վող և թյուրքական տիրապետության
տակ ընկած հայերի վիճակը։ Արյու-
նալի «խաղաղացումները» և ջարդերը
հետապնդել են նրանց ամբողջ 19-րդ
և 20-րդ դարերի ընթացքում, հատ-

Կապես 1877 թվի ռուս-թյուրքական պատերազմից հետո և առաջին համաշխարհային պատերազմի տարիներին: Եվրոպական տերությունները անտարբեր էին մնում թյուրքահայերի տառապանքներին: Այնինչ թյուրքիան, օգտվելով դաշնակների կառավարության դավաճանությունից, սովետական երիտասարդ ռեսպուբլիկայի դժվարություններից ու Հայաստանի թուլությունից, և հենվելով դերմանական իմպերիալիզմի ուղղակի օգնության վրա, զավթեց նախկին Ռուսական կայսրության կազմի մեջ մտնող Հայաստանի մասի Ղարսի և Արդահանի մարզերն ու Սուրմալուի օկրուգը:

Հայերի միտքը շարունակ վերադառնում է իրենց պատմական սահմաններին: — Սովետական Հայաստանին, — ասում է այնուհետև դասախոսը, — սկեռված են ամբողջաշխարհի հայերի հայացքները: Վերջին ժամանակներս այդտեղ են գալիս հարյուրավոր ընտանիքներ աշխարհի բոլոր մասերից: Հայրենիքը սիրով բիմավորում է նրանց: Տարերային ձգտումը դեպի հայրենիքը, որը նրկատվում է արտասահմանում ապրող հայերի մոտ, նոր ուժով դնում է հայ ժողովրդի համար կենսականորեն կարևոր հարցը՝ Ռուսաստանի կազմի մեջ մտնող հայկական տերիտորիաները վերամիավորել Սովետական Հայաստանի հետ:

Միավորված Ազգերի կազմակերպության Գլխավոր Ասամբլեայի անունով, Հայկական ՍՍՌ Կառավարության անունով, վերջերս ընտրված Ամենայն հայոց կաթողիկոս Գեվորգ Ե-րդի անունով շարունակ աշխարհի բոլոր ժայրերից, որտեղ հայ գաղութներ կան, դիմումներ են ստացվում, որոնք հաստատ հույս են հայտնում, որ Հայկական Սովետական Ռեսպուբլիկան, վերջապես, իր դրոշի տակ կհավաքի հայկական բոլոր նյատմական հողերը և աշխարհով մեկ սփռված ամբողջ հայ բնակչությունը։ Այդ պահանջների բավարարման արդարացիությունը կասկած չի հարուցում։ Հայ ժողովուրդը բոլոր իրավունքներն ու հնարավորությունները ունի հարկադրելու, որպեսզի իր հինավուրց հողերի հարստությունները ծառայեն իր ազգային պետության բարգավաճման գործին։

(SUUU)